

Novemba
2010

	Telephone	Fax
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Hour Emergency Fire Brigade	028 313 8000/8111 028 312 2400	

Bulletin

Incwadi ethunyelwa amalungu e - Bhunga le Overstrand esesikweni

INENEKAZI LOKUQALA LIFUNA UKUKHONZA NGOTHANDO NANGENGQIQO UBOTHA-GUTHRIE OHLELI KWISIHLELO SIKASODOLOPHU

NgoLwesine umhla wesi-7 ku-Oktobha wama-2010, uCeba uNicolette Botha-Guthrie uye wabekwa ngokusesikweni kwisikhundla sikasodolophu wase-Overstrand emva kokonyulelwa esi sikhundla kwintlanganisano ekhethekileyo yebhunga eHermanus.

Bekusele kukudala kakade uBotha-Guthrie egxeshelwe esi sikhundla yiDemocratic Alliance ukususela ekubeni kwaye kwadula into yokuba lowo ebefudula engusodolophu ophetheyo, uMnu. Theo Beyleveldt, uye wamkela ukubekwa yipalamente kwiBhunga lamaPhondo likaZwelonke.

Kodwa ke, akakwazanga ukungena ngqo ezihlangu zalo kaBeyleveldt kuba kuye kwafuneka aphiinde angene kwizihlangu zakhe njengoceba ombaxa kwaye le nkqubo bekufuneka iqale ikunjelwe yiKomishoni yoNyulo. Okwelo xesha, nguMnu. Ben Solomon obesebenza njengosodolophu.

Kwintlanganisano ekhethekileyo yebhunga, kuthe konyulwa abagqatswa ababini kwisikhundla sikasodolophu ophetheyo, kwaye uBotha-Guthrie uye wamoyisa umgqatswa we-ANC, uMnu. Jan Gelderblom, ngeevoti ezili-11 kwiivoti ezintandathu.

Kwintetho yokubekwa kwayo, le nkosikazi yakwaBotha-Guthrie ithethe akukho notshintsho olu eza kulwenza kwiKomiti kaSodolophu yaye uSekela-Sodolophu uPieter Scholtz uza kujongana neziseko zophuhliso, ucwangciso nophuhliso lwezozoqosho, aze uBen Solomon yena ajongane nezemali nolawulo



Nicolette Botha-Guthrie

lweenkonzo ngoxa yena uPhilippus Appelgrein eza kujongana nezoluntu neenkonzo zokhuseleko.

Uye wamtyibela akayeka ke okaBeyleveldt ngenxa yomasipala obenalawulo olusemagqabini aza kuluthatha waza walek' umsundo ngelithi iziseko zophuhliso kunye nokubalasele ekuhanjiseni kweenkonzo okunokubonwa kuzo zonke iindawo zalo mmandla

zingqina isakhono sakhe sokukhokela nebhunga lakhe. Nakubeni eza kunyuka umnqantsa ekuzameni ukuthatha apho iyeke khona le ndedeba, uthi kuza kuba ngumngeni ukubeka elakhe igalelo.

Uthe ixhadi lakhe iza kuba sisakhono sebhunga lakhe kunye neqela elilawula umasipala, alandele inkqubo yolawulo apho wonk' ubani ethabatha inxaxheba, alondoloze umgaqo-nkqubo obhetyebhetye aze agqibele ngokunyaniseka kwiimpemulo azinikayo, kwanaxa ke torho zingasayi kusoloko zithandeka.

Iphupha lakhe kukumanyisa uluntu lwase-Overstrand kangangoko kunokwenzeka, nakangangoko kuyimfuneko ekuzabalazeleni umbono omnye. Abantu base-Overstrand bajonge lukhulu yaye naye uza kwenza lukhulu.

UBotha-Guthrie walibona ilanga ngowe-1948 eDarling eNtshona Koloni waza waphumelela ibanga lematriki kwiSikolo samabanga aphakamileyo iHoër Handelskool ePaarl ngowe-1965. Uye waqhubela phambili nezifundo zakhe kwiCape Technikon nase-RAU, ngoxa kwangaxesha-nye wayefumana uqeqesho kwezoBuntloli belizwe neMincimbi yezaNgaphandle.

Uqale ngowama-2000 ukuzibandakanya kwezopolitiko xa wathi wonyulwa njengoceba wase-Overstrand. Ngowama-2006, wonyulwa ngqo njengoceba woMasipala weSithili sase-Overberg yaye ukhe ngelinye ithuba wasebenza njengosodolophu kangangeenyanga ezintathu.

UMSITHO WOKUNIKEZELWA KWEZITSHIXO UVUTHO-NDABA LWEPROJEKTHI YEZINDLU YASEKLEINMOND

IProject Yezindlu Ezinexabiso Eliphantsi YaseKleinmond ifikelele kuvutho-ndaba ekugqityweni kwezindlu zokuqala ezingama-32 nebezilindele abanikazi bazo abatsha ukuba bangene kuzo emva kokuba kutyikitywe amaphepha.

Ukunikezela izitshixo kubantu ababini abaphambili abathe bahlomla kumaMphathiswa WePhondo WeZindlu WaseNtshona Koloni uMnu. Bonginkosi Madikezela, ngoMvulo umhla wama-27 kuSeptemba wama-2010 kusungule esi siganeko, ngaphezulwana nje kancinane kwiinyanga ezili-10 emva kokuba wayelapha ephethula isoyi ekusungulweni kwale projekthi.

Isakube igqityiwe, le projekthi yezigidi ezingama-R75 yezindlu ezingama-410 ayisayi kuphosa nje igalelo elimandla ekunqongophaleni kwezindlu kubantu abangathathi ntweni, kodwa kuye kwachulwa ukunyathela ukuze kuncitshiswe ifuthe lale projekthi kwezindalo nakuluntu. Phantse ibe



Utshepo Setloboko esamkela isitshixo sendlu yakhe yaye efumana namazwi ambalwa kuSodolophu.

sisiqingatha sabantu abaye bafaka izicelo zezindlu kuluhlu lwaseKleinmond abaza kuncedwa.

KuSodolophu oshiyayo wase-Overstrand, uCeba uTheo Beyleveldt,

ibisisiganeko esikhethekileyo. Ngethuba lokuphatha kwakhe ukususela ngowama-2006 ininzi kakhulu into eyenziweyo ukusombulula iifundo zolwakhiwo kulo masipala ugudle unxweme othe mvanje

waba yindawo enenkqubela phambili kweli leNtshona Koloni emva kwexesha elide ngummandla nje wezindlu ezingaselwandle zokutyela iholide ezingenabantu.

Kutshanje ukhe wenza isaziso esithi iprojekthi yezindlu enkulu yaseZwelihle iza kuqalisa kungentsuku zatywala nanjengoko loo mhlaba ukhululwe kwisivumelwano sothethwano sophuhliso senkampani yabucala, mhlaba lowo ekuya kwakhiwa kuwo izindlu ezinexabiso eliphantsi nezifikelekayo.

E-Kleinmond, uMasipala wase-Overstrand usebenzise inkqubo yakhe yophando lweengcombolo ukuze abone abo baza kuqala bahlomle nokuqinisekisa ukuba abo baye bafaka izicelo abasebunzimeni bokwenene ngabo abaqala bancedwe. Olu vavanyo lusekelwe kwimeko yezozoqosho yalowo ufaka isicelo yaye nenkcazelo esetyenziswayo ifunyanwa kuluhlu lwabalindileyo lukamasipala.

